

Яркыт буёло дуннеез адзЫтЙсь книгаос

Ольга Трoнина

Олексюослы ивор басытон, тодон-валанзэс муromoытон, огогенызы кусып тупатон ласынь туж секыт. Ярам, Ижкарын 1961-тйарысен ляб яке воксё адзисьтэмьёслэн библиотеказы ужа. Солэн кык филиалэз вань — Глазовын но Сарапулын. Библиотека ас фондъёсысытыз книгаосты мукет ёросъёсысь библиотекаосы но сётъялля.

Библиотекае куинь сюрслэсь ятыр лыдзйськисьес ветло. Соос «вераськись» (аудио) книгаосын, Брайльлэн системаезья дасям бадзым шрифтэн гожьямьёсыныз, лыдзётъёсын ужаны быгато. «Милям лыдзисьёсмы тазалыко адямиослэсь трослы уг висьясько, — вера библиотекалэн директорез Т. В. Тензина. — Соос озьы ик ярато тужгес тодмо книгаосты. Нылкышноос туалала авторъёслэсь яратон сярись романъёссэс кельшыто, пиосмуртъёс — детективъёсты. Кыче ке нимысытыз удысьёсыя но литература кулэ луылэ».

Олексюос улонлэсь бере медаз кыле шуыса. книгачиос ужазы трос выльзэ пыртыны тыршо. Проект гожтыса, компьютерной центр усътыны быгатйзы. Синтэмьёсты компьютерен ужаны, Интернетын бугырьяськыны дышето. «Компьютерен егитъёс тужгес но тунсыкъясько, — веранзэазьланьтэ Татьяна Владимировна. — Али библиотекаямы компьютерен ужаны дышетскыны ветлэ адзисьтэм нылаш, вуоно арын солэн университетэ пырыны мылкыдыз вань. Солэн туж бадзым чиданлыкез. Озьы ик библиотекаямы кема арьёс чоже ужа ни сукуп библиотекаръ В В. Коковин. Интернетэз аслэсытыз вить чиньызэ кадъ зеч тодэ. Со пыр трос тодмоос шедьтйз, ачиз кадъ олексюосын кусып тупатйз ни.

Та центр егитъёслы вераськон-кенешон. ог-огенызы тодматскон инты выллем мед луоз шуыса нырысь-валысь малпамын вал. Шумпотымон, со ужзэ паськытатйз.

Пинальёсын нимысытыз онерчиос, тифлопедагогъёс, ужало. Соослэн юртгэменызы нылпиос Брайльлэн системаезья лыдзиськыны дышетско. Соос понна трос конкурсьёс, музей адзытонъёс радьяськыло. Пичиос вань экспонатъёсты кыи нызы кутылыса эскерыны быгато. Музейын ужасьёс соос понна нимысытыз спектакльёс но дасялляло.

«Алигес библиотекаямы К. Чуковскийлэн кылбуръёсыныз книгаос вуизы, — вера Татьяна Владимировна. — Отысь суредъёс адзисьтэм нылпиослы валамон карыса лэсьтэмын. Шуом, Чошкон ке возматэмын, книгае етйн кесэг пыртэмын, кунян ке — гонэзлы матын луись кесэг. Пинальёс, кыиызы йотскылыса. ожитак ке но валаны быгато. кыче тунсыко но паймымон, яркыт котырысь дуннемы. Чемысь нылпиос малпаны но уг быгато, кыче улон соосты котыртэ. Одйгез нылпимы тани курегез но ныль пыдо суредам...»

Книгаос ласынь федерал, элькун кивалтйсьёс, пöртэм фондъёс юрттйсько ке но, шуг-секытгъёс пумиськыло. Шаертдонья, йоскалык книгаос туж ожит. Соосты адзисьтэмьёслы валамон карон понна, библиотекаын нимысытыз издательской уж нуиське. Отын ужасьёс «Зуч-удмурт разговорникез», удмуртэ берыктэм конституциез, фольклорен герзаськем книгаосты Брайльлэн системаяз выжтйллям ни. Со сяна, «Удмуртия» ГТРК-ен огкыл гожтыса, доразы удмурт кылын спектакльёс, тодмо удмурт веросьёс но кылбуръёс вуизы. Соосты зэмос удмурт дикторъёс лыдзо.

Библиотекаын ужасьёс адЗисьтэмьёслэсь творчествозэс но калыке поттыны тыршо. «Жизнь соткана из прозы и стихов» нимо кылбур бичет но дасяллям ни, сое бадЗым шрифтэн печатлаллям.

Тйни озы адЗисьтэмьёслэн библиотеказы өлексюслы улыны юрттйсь центрлы пөрмиз ни. Котькудйз вазиськись татын юрттэт басьтэ, шуныт кыл кылэ. Озы яркыт буёло дуннеез адЗисьтэм муртлэн пушдуннеез өжыт ке но буёло луэ.

Тронина, Ольга. Яркыт буёло дуннеез адЗытйсь книгаос [Текст] / Ольга Тронина // Эечбур!. - 2010. - 27 мая. - С. 3 : фот. цв. - (Туннэ - библиотекаын ужасьёслэн нуналзы)